

地 340.153

138

部 02

340.153

138

部 02

340.153

138

部 02

340.153

138

部 02

340.153

138

部 02

340.153

138

部 02

340.153

138

部 02

340.153

138

部 02

340.153

138

部 02

340.153

138

部 02


340.153

138

部 02

象州志

下



紀人第三帙

象州志

紀人

壹



嶺外科名自唐末始盛如趙公觀文之魁多士是也吾州科舉在宋時始盛如謝氏兄弟之聯春榜是也攷宋時及第者舊志得四人明時及第者舊志得二人元則寂寂無聞焉國朝開科取士吾鄉於康熙間始行鄉試吾州於乾隆間始雋會試至今又百年接踵才五人然所謂人物者不在此也表以進士爲一格舉人爲一格各貢爲一格副貢拔貢可按科以列其按貢則不能分年以列僅爲載其出仕者於此猶之登科記題名記有詳畧而無臧否列於此非榮不列於此亦非辱人之能不朽者別有在矣故如孝義如文學如節烈以及仙釋耆壽之著不在表中者亦紀於表後

古者有進士科無舉人科凡試於禮部者必先舉於其鄉故唐人之應舉者皆曰進士而冠以舉字有舉進士而及第者有舉進士而不第者其第者授官不第者回鄉次科仍由鄉試貢舉以赴會試未嘗以舉人爲科名至明代而舉人遂爲科名矣貢士之名亦進士之目而限以年歲拘以額數則自元至元十九年定制上路總管府三年兩貢儒吏各一人下路總管府二年一貢儒吏遞進儒必通吏事吏必知經史儲以備樞史令史之用其時以經生文士進者鮮矣明永樂間始詔府州縣學貢生員其後府學一年貢一人州學三年二人縣學二年一人著爲令嘉隆以後遇恩則有恩貢崇正以後加恩又有拔貢遂與鄉榜之副貢共爲貢生焉而濫稱明經誤沿唐制此則不可不辨者今以後來定制列爲表

宋科舉表

吳況 官知州

秦忠 官評事

徽宗崇寧二年
癸未科 霍端友
榜
其時進士皆稱
舉人別無舉人
之科舊志不知
古制乃曰舉人
科分未詳大誤
矣

象州志 下 紀人

謝洪 官南海尉

謝澤 官容管

徽宗宣和三年
辛丑科 何渙榜
其時亦無舉人
之科舊志見其
兄弟聯捷以為
鄉會聯捷遂以
意推之列宣和
元年戊戌科尤
誤且辛丑係三
年則元年亦非
戊戌也

元科舉表

接元時鄉試中選者行省移咨都省送禮部會試南人取合格者七十五人象於宋時科尚占二人元時豈並無一人而缺佚無可攷舊志亦未能載

象州志 下 紀人

明科舉表

進士

傅敬 官御史有

承樂十六年戊戌科李騏榜

舉人

吳敏惠 官學正

洪武十七年甲子科

秦宗仁 官廣州同知

洪武十七年甲子科

鄧敏 官禮部主事

洪武二十年丁卯科

胡寬 官翁源縣訓導

洪武二十六年癸酉科

貢生

秦尙禮 江西南歙縣知縣

銀深 交趾知縣

雷迅 交趾生

潘最 襄府經

賈敬 交趾縣

譚淵 交趾照

秦仁澤 當塗縣

盧敬 廣東清遠縣知

象州志

下

紀人

唐

淵

官戶部主事

洪武二十九年
丙子科

盧

觀

官漳州推官

洪武二十九年
丙子科

吳

寧

官知縣

馮

敏

官交趾通判

永樂六年戊子
科

傅

敬

見進士

黃

聰

官同知

梁文祐

縣

黃

禮

經歷

孫

鼎

官四會縣丞

周

郁

官漳浦縣丞

秦

顯

官南平縣丞

覃

寧

官欽州經歷

韋

祥

官通州經歷

徐

護

官韶州府經歷

盧

寧

官府審理

秦

璣

官曜州吏目

五

永樂九年辛卯
科

吳

濬

莫

本

永樂十五年丁酉
科

唐

貞

官檢校

永樂二十一年
癸卯科

秦

進

官通判有傳

正統三年戊午
科

沈

綱

官鹽提舉

正統十二年丁卯
科

唐

裕

官瓊山縣丞

潘

懋

官海豐縣丞

郝

銘

官靖州同知

李

慶

官寧國州同知

王

徵

官廣州吏目

賈璇
官安陸縣丞

熊

俊

官竹溪縣丞

李

復

官永州府丞

李

與

官化州同知

唐

泓

官龍水縣丞

唐 景 官桂陽知

景泰元年庚午

胡 志

韓 用

景泰四年癸酉

會 振 知化州師

天順三年己卯

唐 源

尹 傑

成化元年乙酉

洗 澤 高州府

傅 玉 經歷

蘇 綱 蕭山縣

馬允龍 永安州

張大材 靈川縣

郝 球 龍川縣

張大學 龍川縣

馬希援 縣主

浦世麟 潮陽縣

趙 瑞 照磨

秦 欽 官化州同

成化七年辛卯

王 琳 官朝陽教

舒 經

成化十三年丁酉

郎 清 官司務有

潘 岳 官州判

成化十九年癸卯

唐 濂 官樂昌知

成化二十二年丙午

吳元勳 河南府

勝嘉定 高要縣

秦湯相 常熟縣

陶成傑 東莞縣

馬于河 東鄉縣

莫 申 興安縣

高 珍 橫州訓

周之岐 藤縣訓

浦宗淮 臨桂縣

姚化中 恩平縣

許紀 官連山知縣

宏治五年壬子科

莫仲銘 官推官

宏治八年乙卯科

秦鏡 官武陵知縣

宏治十一年戊午科

呂景蒙 官御史有傳

宏治十七年甲子科

吳資 官漢州學正

正德五年庚午科

張鵬

正德十一年丙子科

秦志道 官澄邁知縣

嘉靖十七年辛卯科

蔣朝焜

崇正九年丙子科

賈蔭聖

崇正十二年乙卯科

高悠遠 沙縣教諭

譚易興 安縣訓導

張問仁 藤縣教諭

郝敏問 縣丞

尹賓 合浦縣丞

尹先知 雷州府通判

唐國寶 莆田縣丞

郝有年 全州學正

孟鄒偉 夫治縣知縣

周淮 海康縣主簿

宗英 茂名縣丞

何鑑 饒州府照磨

高傑 海康縣主簿

熊勳 遂溪縣丞

高尙志 武進縣丞

黃鸚 普安縣經歷

朗雲 宣慰司經歷

譚璣 南寧府同知

尹秉節 高州府目

秦鳳儀 龍川縣知縣

象州志

下

紀人

八

高舉 太平縣主簿

陶仁 嵩州吏目

周簞 蒲城縣丞

賈仲廉 安任縣丞

黃天叙 河源縣主簿

何文維 夷陵州吏目

高拱極 三水縣教諭

秦繼周 四會縣訓導

吳希容 濮州判官

鄭國賓 雷州府照磨

朱維鏞 雲南提舉副

高摧 南海縣主簿

秦惟淪 南雄府經歷

黃象乾 溇州府學正

秦惟琴 吳江縣丞

會賢 慶遠府教授

會貫 桂林府教授

吳成性 龍川縣訓導

蔣承桂 涉縣知縣

高華 歸善縣訓導

象州志

下

紀人

吳民懷

太平府教授

高守縉

崖州訓導

朱之振

莆田縣訓導

高守紳

岷縣縣丞

蘇萬民

博白縣訓導

郝明臯

主簿

按明時貢生

舊志所載共

一百六十八

人今只載出

九

仕者九十五

人已不知孰

為歲貢孰為

恩貢孰為拔

貢孰為副貢

矣計不載者

七十五人更

難考核故從

畧焉

國朝科舉表

進士

馮昌紳

翰林院庶吉士改知

縣任江南

乾隆二十六年

恩科王杰榜

鄭名佐

歸班以知縣候銓

乾隆三十一年
丙戌科張書勳榜

象州志

下
紀人

覃學海

歸班候銓任河南沈邱縣知縣

嘉慶九年乙丑
科彭浚榜

劉書文

歸班呈請改教任潯州府學教

嘉慶十三年戊辰
科吳信中榜

舉人

梁士彬

何恩麟

康熙三十五年
丙子科

梁士綸

康熙五十二年
癸巳科

劉光烈

乾隆三年戊午
科

馮昌紳

見進士

貢生

梁元緯

何燦

朱興讓

何公授

區願聞

何器

林友桂

朱興詩

陳錫玉

朱之佩

朱毓烜

朱桂

陳起龍

孟淑惠

汪宏

覃吉

翁健

湘陰縣丞

蒼梧縣訓導

崑山縣丞

上林縣學教諭

陽朔縣學訓導

興安縣學教諭

平南縣學訓導

博白縣學訓導

賓州學訓導

桂林府學訓導

賓州學訓導

賓州學訓導

甲午科舉人

平樂縣學教諭

昭平縣學訓導

永福縣學訓導

興業縣學教諭

癸酉科拔貢

鄭獻甫 榜名存紘 刑部主事

道光十五年乙未科 劉繹榜

李日章 即用 任蕙榆縣知縣

光緒二年丙子科 曹鴻勛榜

乾隆三十五年 庚寅科

銀中球 湖南安鄉縣知縣

宋鉉 浙江仙居縣知縣

覃志業 廣東會同縣知縣

乾隆三十九年 甲午科

朱梓 山東費縣知縣

乾隆四十二年 丁酉科

黃樹勳

乾隆四十四年 己亥科

黃任綱

孟廷聘 武緣縣學教諭

秦恢 隆安縣學教諭

楊自強 永福縣學教諭

乾隆丁酉科 拔貢

何英元 陽朔縣學教諭

乾隆己亥科 拔貢

李初蕃 全州學正

周延齡 平樂縣學教諭

鄭瑾 永福縣學教諭

乾隆戊子科 副貢

朱梧 乾隆己酉科 拔貢

羅經遠 戊子科 副榜

朱權 崇善縣學訓導

嘉慶庚申科 副榜

孟廷侯 拔貢 科

翁倜 拔貢 科

盧允珩 靈川縣學教諭

嘉慶癸酉科 拔貢

周錫齡 南寧府學訓導

象州志 下 紀人

乾隆四十五年 庚子科

覃志淵 富川縣教諭

銀中璵 全州學正

乾隆四十八年 癸卯科

孟昌 思恩府學教授

乾隆五十一年 丙午科

孟紹嶧

銀中瑤

乾隆五十三年 戊申科

鄭燦

士

象州志下
紳人

朱元凱

安徽婺源縣知縣

乾隆五十四年

周吉士 江西萬載縣知縣

翁九叙

乾隆五十九年

朱元亨 浙江新昌縣知縣

林恒滋

乾隆六十一年

黃椿 平樂府學教授

區振金

平樂縣學訓導

會嵩 永安州學訓導

邱獻璋 永福縣學訓導

覃光遠

平南縣學訓導

梁以栢 藤縣學訓導

徐懋仁

蒼梧縣學訓導

馮其羸 北流縣學訓導

李顯白

全州學訓導

覃清 四川長寧縣知縣

覃渾 富川縣學教諭

劉書林 橫州學正

覃學海 見進士

嘉慶五年庚申

劉書傳 慶遠府學教授

鄭存訓 全州學正

嘉慶九年甲子

劉書文 見進士

荔浦縣學訓導

梧州府學訓導

藤縣學訓導

梧州縣學訓導

蒼梧縣學訓導

北流縣學訓導

全州學訓導

藤縣學訓導

梧州府學訓導

梧州府學訓導

賈聯元

梧州府學訓導

韋俊元 梧州府學訓導

韋貞元 藤縣學訓導

周彥士 乙酉科

朱立人 丙午科

李尊欽 己酉科

拔貢

以軍功保升

韋健元 己酉科

陳驥雲 場湖縣學訓導

李森然 永安州學正

韋編

嘉慶十三年丁卯科

陳以桂 思恩府學教授

嘉慶十五年戊辰科

鄭存謙

嘉慶十八年癸酉科

李天球 興安縣學教諭

嘉慶二十一年丙子科

李棣然

嘉慶二十三年戊寅科

孟典 桂林府學教授

嘉慶二十四年己卯科

陳以橋

道光二年壬午科

鄭獻甫 榜名存紀以字行見

道光五年乙酉科

李天元

韋振玉

咸豐辛酉科拔貢

陳彤雲 福建尤溪縣知縣

咸豐辛酉科拔貢

胡莊端

咸豐辛酉科拔貢

石建渠 陽朔縣學訓導

銀振家 武緣縣學訓導

覃立業 岑溪縣學訓導

謝敦義 懷集縣學訓導

三

劉大經 修仁縣教諭

劉與靜 同治癸酉科拔貢

道光八年戊子科

韋任元 河南長葛縣知縣

道光十一年辛卯科

羅阜颺

道光十二年壬辰科

李天貞 永安州學正

周喬齡 宣化縣學教諭

道光十四年甲午科

馬純華

道光十五年乙未科

銀源

道光十七年丁酉科

鄭鈞 廣東乳源縣知縣

道光十九年巳亥科

鄭漢 貴州婺川縣知縣

道光二十四年甲辰科

李日章

道光二十六年丙午科

覃雨蒼

鄭蘭蔚

咸豐十一年辛酉科

鄭蘭薰

陳守文

同治元年壬戌科

羅慶澄

章徵祺

同治三年甲子科

銀肇家

同治六年丁卯科

江起鵬 上里州知事

章陟雲 員外郎銜戶部主事

同治十二年癸酉科

石鴻韶 見進士

光緒五年己卯科

左宗藩 四川補用道

光緒十一年乙酉科

胡建恭

光緒十九年癸巳科

象州志 下 紀人

石鴻韶

翰林院庶吉士
改知縣任山西
長子縣知縣
并補雲南之
維永昌知

府雲南迤東

道轉授陝西

陝安道

光緒六年庚辰科

黃思永榜

翁裕珍

光緒八年壬午科
解元

蘇壽松

游學日本畢業
木田國曆辛亥文
科舉人壬午廷
試授小京官改
分雲南知縣

左慶欣

福建補用道

光緒三十年
甲午科

武舉唐時已有武學宋時始設而北史韋或傳先有立崇武館於城北之事則與文分塗久矣今亦列為表而附於後至漢之以貴為郎非納粟為官也謂其家足於資選以入仕耳後世別開事例其塗遂多其名亦雜今以行伍保舉捐納入官者統為別頭出身列於下而廕襲封贈及捐銜者不與焉若在乾隆以前如朱城南之官雲南提舉孟宗周之官指揮將軍覃國用之官雲南松明州知州則舊志未載新志亦畧之恐据家譜所書不免杜撰官銜也

象州志

紀人

其

國朝

武進士

韋世徽 官京提塘

道光辛丑科

武舉

朱樞 官省提塘

乾隆

行伍出身

劉大義 官賀縣城守

羅玉龍 官柳州遊擊

朱楷

乾隆己酉科

劉昂

乾隆己酉科

龍瑞

乾隆

龍振灃

乾隆甲寅科

保舉出身

何得昌

官把總

龍振瀾

乾隆癸卯科

周尙文

附生官
廣東省
巡檢

王純繹

乾隆庚子科

官省提塘

朗憲典

乾隆辛卯科

童智遠

乾隆庚寅

閉懷德

乾隆甲午科

高凌漢

乾隆戊申科

覃光理

乾隆辛巳

孟輝孔

乾隆壬子科

蒙純義

乾隆壬子科

銀贊朝

乾隆甲午科

銀起朝

乾隆甲午科

龍振源

嘉慶庚申科

蒙錫球

嘉慶巳卯科

韋超韓

嘉慶

章世徽

見進士

道光

蒙錫璜

道光乙未科

捐納出身

覃九齡

監生官
浙江省
巡檢

人事

風俗之沿襲由於地風俗之漸染係於人象雖百粵故鄉近亦五方雜處其田畷特起者遙婚遠宦未足以相易其士族遞衰者食貧居賤或反爲所移故華風自漢已開而陋風至今猶在也志地者每抄取舊文指爲舊俗毋亦信耳而不信目乎今畧紀其四時之禮節四民之執業四境之循習與他處不盡異而亦不盡同者著於篇

元旦拜年除夕守歲焚爆竹貼桃符大畧與他處同惟讀書之家打五鼓即起而讀書聲達四鄰約盡三刻謂以元日之勤示兆於終歲也上元前城市或嬉春上元後兒童皆上學

樂州志

下

紀人

九

上巳無修禊者七夕罕乞巧者重陽亦少登高者清明則家家掃墓門中元則家家焚楮幣民間惟此二節爲重掃墓時大族於遣祖或有數十人及數百人拜奠後餽餘皆席地而坐藉草而食侈者或治肴饌召賓友則非祭墓本色矣若焚楮幣者皆寄冥資以紙爲包題字於上某子孫奉某祖父夕則聚而焚於庭曉乃拾而拋之江客居者間爲盂蘭會作盂蘭盆以廣厥施焉

端午以角黍相遺中秋以月餅相遺大概亦同他處惟學生以節禮贄其業師或用銀數星或用錢數百冬至未嘗以爲大節不過爭作脯以應臘耳

加冠之禮多不行親迎之禮亦少行婚嫁最爲簡易間名納采請期皆用檳榔染色率先酒果爲禮有力者男家備六禮女家侈百兩或以多相夸其餘大率皆儷皮純帛之遺意而已既不迎親遂有送親所以重其事也男家具柬以請女家擇人以應其輿馬之供迎接之饋酒席之備皆爲男子設者二爲女子設者二婦初至門婿揖入室行合卺禮次日行廟見禮謁舅姑拜尊長或於三日後婿家偕婦回門或於一月後女家請婿回門皆以雙雙而至生子則男家送紅蛋女家餽薑酒

病亦用醫藥而多信巫鬼喪未用僧道而多召巫師此則明

知其不合而養生送死聊以自盡者喪者殯歛不盡如法而衰經皆不去體較之士大夫居喪方卒哭即易衰而以素服應酬登場者似勝矣貧家速葬就官山多不擇地富家遲葬謀陰宅每致過時而不知禮之愚民惑於不識字之葬師妄指某穴爲凶致令洗骨別葬或妄指某穴爲吉致令負骨盜葬此則所宜禁革以息訟獄者又婦人之以產難亡者即日殯葬置之郊野至親亦不相視尤爲無禮惡俗

庶士多無廟庶人祭於寢其族較六兩資較足者乃共爲祠堂以合祭此亦唐宋遺法雖失古意猶近古禮者惟需讀書明理者考核儀節詳明神主議定祭品無致僭無從俗則得

矣至人家香火所供臚列人鬼多係土神有不能考其由來者仍之則不可革之亦不必姑聽其各自爲可也

十室之邑必有忠信而百家之聚或無詩書大約貧薄者多謀衣謀食遂致誦讀者少耳其號爲士者列名庠序或橫葦鄉里反不如均爲稚魯之相安然此非讀書之過仍不讀書之過也有教士課士者必使其知博極羣書講求實行毋徒以四書講義八股時文爲士學則取科第獲仕宦皆是表率鄉人誘起後進而風可變矣

農必盡三時之勤下五穀之種方不爲水旱所窘州農人穡既入田遂若無事禾既登場尤覺無事近因粵人闖入漸至

家州志

下

紀人

三

頗蕪雜糧頗用暇日而其貧薄如故也山大水小山多田少十日不雨則苗稿一月不雨則水涸終歲勤動不足償一畚籽種黠者或舍本而趨末棄農而行商然操術業者梓人則不能精器械匠人則不能成宮室僅以衆工之粗且陋者備不時之需習貿遷者亦不過磨腐燒酒肩挑背負販風賣蛙在此數十里間而已民無豪俠俗無侈靡其病處在此其善處即在此

地無桑柘惟有棉麻婦女第以紡績組織爲事不知育蠶亦不能育蠶也在室者非徒縫紉兼操井臼在田者非徒鋤鋤兼執耘鋤婦女較他處爲勞苦其士大夫家雖饒饒足亦少

弓足丈夫之好尙不能奪也至青疇綠壤行坐成羣明月清風行歌互答舊志沿襲爲說獯俗時復有此近日亦各止於閑焉

舊志備載獯洞遺詩間詠獯俗總其名曰獯曰山子曰獯曰蛋家數者而已耳涵濡二三百余年閱歷六七十年得之耳目所悉者獯與山子仍居外地不與內接獯與蛋家久習華風漸更夷俗其衣裝則已改矣其語言則已通矣富者均讀書貧者均力田愚者均安分黠者均滋事即不習官語皆知畏官法正不必區分以爲治若所載瘴氣及所載蠱毒近今亦概無聞至慎起居節飲食則固保身之常不必爲此方設

象州志 下 紀人

三

矣

舊志載桑悅記獯俗六首蓋知柳州時作也無論採訪非實謠詠徒煩即以詩論其第五首用五歌韻而第一句云除夜雙盤肚鷓鴣第八句云有數從來實不孚乃混入七虞二韻脚其第六首用二冬韻而第二句云朝甫先加老喚公第六句云亦以均平示至公乃混入一東二公字直是小兒作開攔入藝文殊誤觀者按此公著有桑子庸言最好大言其詩未能成家乃妄自誇張幾於狂惑亟應沐以蘭湯者也故刪去其詩亦謹著其說於人事風俗之後後有紀載慎勿採取

列傳

舊志人物傳八人孝行傳一人儒林傳一人貞節傳三人過
分名目反多掛漏况一方之志非比一朝之史安可屑屑分
配哉茲概謂之列傳舊有者備載不遺新增者慎收不濫而
殉難之義夫守節之列女更爲搜採盡登不必皆立傳要不
可不紀名也一人之耳目安能備四境之名行苟有知者所
聞所見續以附焉是亦齊心同所願也人物不必皆有科名
紀載亦不必強立定名但有可書者即綴數語無庸書者即
不煩故撰一言蓋其榮辱不在此有勢者或謬爲請屬無識
者或妄爲徇美皆可以已矣

象州志

下

紀人

三

謝洪安仁鄉人與弟謝澤俱登進士第洪初任南海尉改知
賀州澤初任昭州轉知南平州兄弟同榜並有文名兄弟各
官並有政聲家於南門城外有謝氏園闢扶疎堂士大夫南
遷者如王初寮孫仲益皆借寓題咏滿壁風雅冠時

據舊志修

鄧敏洪武丁卯舉於鄉任禮部儀制司主事早歲喪父事母
陳至孝母忽患篤疾號泣籲天願以身代母疾隨愈後居喪

哀毀逾禮廬墓三年足跡不入城府有司顏其堂曰思本

舊志

傅敬永樂戊戌進士善屬文任監察御史彈劾中貴風采凜
然以直見忤遂引疾歸杜門不出人不敢干以私

舊志

秦進字廷玉正統戊午舉人幼孤服母教嗜學不事嬉遊初

爲瑞州推官詆獄明允請託不行人咸憚之歷高肇二府通判嘗因猺寇請益軍儲盡革宿弊不畏權貴以疾卒訓二子欽銳相繼登鄉薦

舊志

秦顯字孔昭景泰間以歲貢爲南平丞時聞寇鄧茂七作亂顯率兵破賊城賴以全而身冒鋒鏑幾斃流矢遂棄職歸食貧居淡不干有司日持釣竿坐河濱得小魚數尾沽酒以自樂人稱爲釣叟

舊志

楊護成化間任臨高知縣承累任苛虐之後政尙寬簡然能明燭下情民以訟至先得其誠僞善惡審無大害者諭歸自思民感其言中止者多閱數年民安訟簡以謗累去職新任

象州志

下

紀人

三

梁儉來代之日百姓如戀慈母贖者絡繹護堅拒之不去梁曰此無所爲而爲者吾當一屈楊君以慰吾民乃置一帙於門下命贖者書名須臾帙滿持以示楊勸納所贖已而行就車老稚追送三十里梁歎服仿其政而行

舊志

朗清字溫泉成化間舉鄉試除教授遷南京都察院司務轉工部司務因劾逆瑾被遣後奉勅命褒獎歷任兩京著績清勤州城大街下有司憲坊

舊志

呂景蒙字希正舉宏治甲子孝廉歷官監察御史巡上江作操江行義奏聞蒙著爲令又劾蕪湖抽分奸弊謫潁州判官轉汲縣知縣後升福州府通判遷南京大理寺評事俱不就

從游湛甘泉之門倡明理學其所論說粹然一出於正總制張淨峯爲立理學名儒坊以旌之坊在州城南門外後淨峯督師過象造其廬接談終日不倦所著有定性發蒙象郡學的三十卷柳州府志十六卷以壽終墓在城南

舊志

孟宗文字岐山原籍山東武定州人襲祖象州所千戶積戰功官至東粵鎮總兵以大將旗鼓爲故鄉坊表今州衙即其居宅也與其夫人賈俱葬鳳凰山翁仲尙存其夫人墓志猶在係朱燮元撰

據舊志修

周吉士字藹堂城內人乾隆甲寅科舉人官江西萬載縣知縣以事謫戍遇赦回里經舊治縣之民感其德捐貲爲復原

象州志

下 紀人

三五

官因折閱僅捐教官署理富川學以終吉士生有奇氣豪俠亢健積習故在尤好交知名士及收前人集洪稚存游廬山吉士時官星子爲之供張甚具洪贈詩有云平生志節慚槐里絕域文章屬柳州其見賞於才人有如此購求 國初遺集有在沈歸愚別裁之外者無力付刊聞贈某氏代刊不知果存否

新增

劉書文字墨圍城內人叔弟書林以庚申雋仲弟書傳以甲子雋書文最後以丁卯雋次年成進士呈請改教官任潯州府學教授州人多習時文書文獨治古文講求震川荆川家法老年病目書幾廢猶好譚藝嘗曰吾無所師法亦無他嗜

好惟諧喜觀優人作雜劇及強俗人說雜事雖心知其荒唐
不厭也著有太乙山房文稿新增

石登科與其妻梁孺人俱百歲鄉人具牒大吏具題蒙
恩賜以期頤偕老字樣加七品銜建百歲坊於大井村之陽
洗誠儒字榕居歲貢生身後門人爲立墓碑紀其教法子孫
爲具官牒請列孝友

象州志

下

紀人

美

列傳

咸豐改元州里多故其斃於盜賊者蓋多矣勢不能盡載理亦不必盡載惟不從賊而拒賊者或死於對壘或殉於破城冒刃衝鋒裂胸斷脰是則當入昭忠祠受享者紀故中畧備其事而紀人中不列其名非所以為忠義者慰也志書不必皆有此而吾州不幸而有此附於人物之後變例亦定例也僅具姓名鄉里年月於編事既雷同語難區別則不一立傳

林嶽培字于蕃歲貢生咸豐四年殉破城之難

羅禹颺字雲臺州學生其長子屏藩字恭輔咸豐四年同殉

象州志 下 紀人

三

破城之難

何之珏字雙璧州學生咸豐四年殉破城之難

何之璠字子美府學生咸豐四年殉破城之難

葉永春奉州主密札戮劇賊吳采於石龍墟旋為賊所戕

劉宏向字博菴咸豐四年殉破城之難

鄭溱 鄭鎮 鄭爾昌禦賊於大圍嶺陣亡

李懷琚字崑山州人咸豐四年殉破城之難

朱立達 朱世隆禦賊於屯垌陣亡

列傳

史書有列女傳猶之諸臣傳或德行或材藝或貞節皆錄之以表異所謂列女不必盡烈女也故後漢書首列蔡文姬不知此義而拘守此名女子之得列者鮮矣顧才德或無實据而貞節則有定例苟喪偶在三十年以前而守節過三十年之後皆許其題請 旌表則皆可備載志乘今自舊志三人以外據採訪新冊次第備書事本雷同語難別異僅具其姓氏年齒鄉里於編間有以節義別見者爲志原委以代紀傳特不以爲例

吳氏州人區耀臣妻年二十七喪偶守節撫孤克守先業乾

象州志

下

紀人

无

隆二年題旌坊在西門外

舊志

王氏州人孟名世妻年二十二歲夫偶守節撫孤克振家聲

乾隆三年題旌坊在安中里

舊志

唐氏州人江演潮妻嫁十年無出勸夫置妾夫以家貧不允唐遂鬻簪珥得韋氏女待以恩禮不二年妾舉一子名尙松方週歲而演潮卒又二年妾韋氏亦卒夫遺產僅有租數百觔唐以女紅資衣食雖至親戚亦絕往來撫尙松成立乾隆七年闔州呈其事於州牧張坊表其閭曰惠嗣存孝後八十

四歲卒

舊志修

陸氏州人石道錢妻年二十九喪偶孝事老年孀始鞠育

齡三子歿於乾隆二十八年守節四十五年

馬氏州生員何宏勳妻年十八而嫁越一年而寡事孀姑孝撫嗣子慈守節三十八年乾隆四十八年請旌建坊歿年五十八

尹氏州人鄭瑜妻年十九喪偶撫繼子守節四十五年而卒其媳劉氏繼子鄭存讓之妻年二十六喪偶撫孤子守節四十年而卒嘉慶二十年州人以其姑婦守節呈之學使朱方增贈以扁額曰霜筠世勵

高氏州人區士統妻年十七而嫁越二年而寡卒於道光元年守節五十二年

象州志 下 紀人

三

陳氏州人吳國綬妻年二十二喪偶在室撫孤歿於道光乙酉年壽八十二歲守節六十年

陳氏州生員胡憲鐸妻年十三而嫁越十六年而寡時年二十九歲守節撫孤嘉慶間具牒請旌歿於道光庚子守節四十四年建坊三里渡口

何氏州人陳五教妻年十八而嫁越八年而寡時年二十六歲歿於道光二十年守節三十七年道光十八年建坊

秦氏州人覃錫朋妻年十八而嫁越八年而寡時年二十六歲歿於道光二十一年守節六十八年道光癸丑請旌建坊朱氏州武生周杰士妻年十八而嫁越七年而寡時年二十

五歲歿於道光
年守節
年建坊東門外

劉氏州人陳受和妻年十七而嫁越四年而寡年三十七歲卒守節十有五年

秦氏州人覃錫妻年十九而嫁越十一年而寡時年三十歲享壽八十六守節五十六年道光甲辰三明學使李承霖贈以扁額曰節性延齡

陳氏州人何體純妻年十八始嫁方三月而夫亡又三月而歸夫家而卒時道光之八年
月
日也

覃氏州副貢朱權妻年十六而嫁越十二年而寡時年二十

象州志 下 紀人

五

八歲撫孤成立沒於道光二十八年守節四十七年

陳氏州廩生鄭存緇妻年二十而嫁越七年而寡無子嗣以兄公子又殤歿於道光二十九年守節二十年

鄭氏州人朱元瑞妻年十七而嫁越十三年而寡時年三十歲上奉老姑下鞠幼子甫成童姑既亡子又殤食貧守節

繼承祧道光末州人具呈學使李承霖贈以扁額曰守義全宗卒時年六十五守節三十五年

秦氏州人李懷玉妻年十六而嫁越十二年而寡時年二十八歲卒於道光十一年守節三十三年

王氏玉梅州人孟拔世婢也孟故豪侈其家中落無幾何汝

世卒諸孤幼其妻馬氏一人下撫七子時玉梅年二十有二矣主母議嫁之玉梅泣曰上有熒熒主母下有呱呱諸郎君婢去誰與共提攜者婢志定矣請侍主母終身遂攝理主家各務孟氏遺孤成立長延聘官教諭三廷仁爲諸生皆資玉梅之力也至今孟氏爲之碑其墓祀其主蓋不忘所自云

胡氏州貢生吳培基妻年十九而嫁越十年而寡時年二十九歲卒年五十六歲守節二十七年

邱氏州人胡清瑞妻年十七而嫁越二年而寡時年十九歲卒年四十六歲守節二十七年

象州志 下 紀人

三

卒年四十七歲守節二十七年

黃氏州人周昌岐妻年十三而嫁越十年而寡時年二十三歲卒年五十八歲守節三十五年

羅氏州人劉信向妻年十六而嫁咸豐初土賊捉其夫向婦索賄羅已竭所有賊未滿所欲羅曰賊徒以我在乞貸於人冀有獲耳我死則望絕而難解乃仰藥以卒時年四十五

銀氏州人朱麗然妻年十九而嫁越八年而寡時年二十七歲歿於咸豐元年守節三十九年

黃氏州人李三得妻三得故無賴黃亦無怨咸豐初劇賊踞州城三得與其黨游欲以其妻餌黃覺耳目非是默計曰丈

夫無耻必使婦人無行難依以終矣乃乘夜就盛水巨缸溺
幼女扼其喉斃遂溺已身浸其頭亦斃時年二十有七

李氏州生員林滋茂妻年十七而嫁越五年而寡時年二十
二歲卒時年五十八歲守節三十六年

吳氏州監生陳以桴妻年十三而嫁越一年而寡時年十四
歲歿於咸豐五年守節五十四年

馬氏州人覃修德妻年十六而嫁越九年而寡時年二十五
歲歿於咸豐六年守節五十年

覃氏州人黃淋妻年十七而嫁越六年而寡時年二十三歲
歿於咸豐十年守節三十四年

象州志 下 紀人

三

銀氏州廩生周卿士妻年二十而嫁甫四月而寡歿於同治
三年守節四十年

賈氏州人鄭江妻年十四而嫁越十二年而寡時年二十六
歲遺孤蘭英早亡撫叔子蘭茂爲嗣卒於同治三年守節三
十九年

韋氏州生員覃泰妻年十六而嫁越六年而寡時年二十六
歲卒於同治五年守節三十四年

廖氏州人譚振羽妻年十三而嫁越四年而寡時年十七歲
歿於同治七年守節二十八年

潘氏州人覃兆燕妻年十七而嫁越十七年而寡時年三十

四歲歿於同治八年守節三十三年

陸氏州人陸君伍貞女也年十四許字同里李氏越二年將歸李氏方請期而李氏兒暴亡未及親迎父母欲爲別字女泣曰兩姓之好久合矣六禮之行將備矣與泛爲許者殊異女果有福不應至是如無福別字奚爲已而女之弟在獄母復迫之女謾應曰兒留家養母俟弟事解乃聽母所爲未數年弟遇赦歸女竟不議嫁見年六十猶居母家以孝聞

仇氏州人吳代昌妻年十四而嫁越十五年而寡時年二十九現年七十八計守節已五十年

陳氏州人蒙錫嘏妻年十五而嫁越五年而寡時年二十歲

象州志 下 紀人

見年七十九歲計守節已五十九年

覃氏州人陸紹球妻年十五而嫁越七年而寡時年二十二歲見年六十四歲計守節已四十二年

黃氏州人覃修業妻年十八而嫁越十年而寡時年二十八歲見年 歲計守節已 十 年

覃氏州人朗釧妻年十九而嫁越九年而寡時年二十八歲見年四十八歲計守節已二十年

譚氏州人覃昌業妻年十七而嫁越十二年而寡時年二十九歲見年七十九歲計守節已五十年

林氏州監生巫如桂妻年十八而嫁越三年而寡時年二十

一歲見年四十一歲計守節已二十年

謝氏州生員鄭澍妾年十五助造於鄭五年而女君亡又五年而家主亡時年二十五歲立從兄潤之次子爲嗣莞然守其遺女撫其嗣子見年五十四歲計守節已二十七年

何氏州人陳用章妻年十七而嫁越四年而寡時年二十一歲見年五十一歲計守節已三十年

銀氏州人鄭蘭晚妻年十五而嫁越五年而寡時年二十歲撫其遺孤及幼叔成立見年四十歲計守節已二十年

陸氏州監生鄭存級妻年十五而嫁越十五年而寡時年三十歲撫孤二早亡遺孫二皆成立見年七十五歲計守節已

象州志下 紀人

三

四十五年

高氏州人鄭澄妻即陸氏媳也年十二而嫁越八年而寡時年二十歲無子嗣以叔之子未幾喪其姊並撫其孤見年五十六歲計守節已三十五年

胡氏州人鄭存體妻年十五而嫁越七年而寡時年二十二歲見年六十三歲計守節已四十二年

明氏州生員胡莊臨妻年十五而嫁越十五年而寡時年三十歲見年五十一歲計守節已二十一年

蔡氏州人張有權妻年十七而嫁越七年而寡時年二十四歲見年五十七歲計守節已三十三年

朱氏州監生周選士妻年十五而嫁越七年而寡時年二十二歲同治四年請旌建坊計守節已三十年

韋氏州人覃以忠妻年十六而嫁越八年而寡時年二十四歲見年五十六歲計守節已三十二年

韋氏州人陳守富妻年十六而嫁越六年而寡時年二十二歲見年四十六歲計守節已二十四年

覃氏州人黃德玉妻年十三而嫁越十年而寡時年二十三歲見年四十一歲計守節已十八年

黃氏州人杜學慈之妻年十五而嫁越二十八年而寡時年四十八歲計守節二十年

象州志

紀人

三

姚氏州生員石煥然妻年十八而嫁越十年而寡時年二十六歲孝事翁姑鞠育二子咸豐末州人呈學使張正椿題滿星炳曜扁額見年六十九歲計守節已四十一年

石氏州童生羅屏藩妻年二十一而嫁咸豐四年夫殉城矢志守節負周月小女依外家事定回城侍姑時年二十七見年四十四歲計守節已十七年

銀氏童生鄭瓊妻年十八而嫁生一子名存愛年二十一而寡守志十八年而歿時年三十九歲

銀氏武生鄭颺妻年十八而嫁又十二年而寡無出現年五十歲守節已過二十年

陳氏州生員朱玉璣之妻年十六而嫁越十二年而寡撫孤
守節二十一年其子立人於道光丙午科副榜次年呈請學
使 贈以扁額曰禮宗遺範

鄭氏州童生朱立業之妻年十六而嫁越八年而寡時年二
十四歲歿於咸豐二年守節二十二年

紀故第四帙

象州志

紀故

壹

嘗於隋書得逆帥杜條遼以象州降款一事於唐小說得續南官鄭播在象江輦石一事於宋詩得謫宦王安中贈龔老人詩一事有書可攷無門可附然後知作志者不得以紀故編其後也因此而疆宇之克定隸屬之遷廢天時之災祥人事之兵燹以及瑣事佚文可載者俱入茲編各以類聚至俗語所流傳非古籍所紀錄則不敢襍錄以示博也又王象之輿地紀勝在南宋時紀吾州事有引象郡志有引象州新井記有引瑤光堂記今皆佚故備抄而附著之以補金石藝文之闕云

象州志

下

紀故

一、瑤光堂記
二、象州新井記
三、輿地紀勝引象州事
四、宋詩得謫宦王安中贈龔老人詩
五、唐小說得續南官鄭播在象江輦石一事
六、隋書得逆帥杜條遼以象州降款一事

隋書何稠傳言討桂州理李光仕之亂洞主莫崇被殺後象
州逆帥杜條遼羅州逆帥龐靖等相繼降欵此事文帝紀在
開皇十七年此為平陳置象州之始

舊唐書懿宗紀三年五月敕分廣州為嶺南東道邕州為嶺
南西道割桂州管內三州容州管內二州屬之象州與焉此
為唐時象州屬嶺南西道之始

通鑑馬殷以唐光化三年陷象州此為象州屬楚之始

宋史太祖紀四年俘劉鋹廣南平得州六十縣二百十四象
州與焉此為宋克定象州之始

元史速不台傳入交趾破橫山寨關老蒼關徇宋內地躡貴

象州志

下紀故

二

州蹂象州此為元兵入象州之始

明史太祖紀洪武元年廖永忠下象州廣西平此為明克定

象州之始

宋時升象州為防禦州詔象為名郡克壯炎荒地控百蠻疆
連五嶺屬戎妖之竊發當走集之奔衝而能張彼軍聲堅其
城壘誠輸武勇式遏寇攘宜加防禦之名用表盡忠之効

輿地

紀勝

象州舊城在州界西北六十里舊經云唐乾封元年移於長

州縣其城遂廢

輿地紀勝

陽壽舊縣在陽壽縣東南三十九里唐大歷二十一年移州

治臨大江縣隨州移治舊城遂廢 輿地紀勝

武化舊縣唐志云析桂州之建陵置本隸封州後隸晏州又

析陽壽置長風縣隸晏州州廢縣屬象州廣西郡縣志云熙

寧四年省武化入來賓 輿地紀勝

長風城在陽壽縣東六十里唐正觀十三年廢晏州並長風

縣入武宣縣其城遂廢 輿地紀勝

象州郡治西樓正西西山山腹忽起白雲如白象移時不滅

然不常案秦象郡乃交趾非象州也今象州城門畫一白象

不審何義然象州自昔不遭兵革凡有大盜皆相戒以不宜

犯象鼻然則城門之畫象豈爲此耶 嶺外代答

象州志 下 紀故

三

西山與象山相連尤爲高聳風土紀云刀兵永不見西山最

高現說者以爲州從來無兵亂雖儂智高陳進之猖獗郡人

皆慮其侵害至境或自退或敗亡人以爲應讖 輿地紀勝

東山寺在城東五里寺後有亭名秋屏 同上

北山寺在城北 同上

西山寺在城西五里其寺半山有一檻亭大江橫前飛瀾千

里郡城枕股萬瓦鱗次山川景物盡在目中騷人題咏爲多

同上

南山寺在城南十里江流有聲斷岸千尺古榕盤龍松竹交

蔭爲招提勝境 同上

附孫觀南山寺詩千丈雲根處此邦沉沉寒影臥秋江潭
空映日蒼虬動煙暖翔沙白雲雙夢覺難聲喧客枕吟餘
竹色蒲僧窻詩成叫絕層樓上聽我洪鐘萬石撞
安心是樂本非禪遇勝欣然意所便嚼蕊拈花身老矣穿
林渡水思茫然行逢酒伴操觚去倦憇僧房借榻眠寄語
後來問津者人中今是地行仙
鴻慶集

龍母廟在陽壽縣

輿地紀勝

甘將軍正廟在陽壽縣北七十里公家富饒務賑濟一夕夢
一神人告之曰汝處心公平幽冥已錄姓名公自是不治產
業公兄弟誚之分其已分之田責其自治公乃縛數節人立
於田旁次日視之捕蒔已畢衆神之一日聚諸鄰里曰吾已
厭於世矣即瞑目而去
輿地紀勝

空明亭在致爽門外

同上

象州志

紀故

四

寒碧亭在報恩寺太守趙伯光題詩有云誰云嶺外皆炎熱
此是西南第一州
同上

擬草亭在南山寺前孫尚書觀命名
同上

圓光亭在西山寺

同上

寒光亭在謝家園扶疎堂側孫尚書有詩所謂空江耿耿月
舒波千峯倒盡翠消磨即此亭也
同上

扶疎堂在城外東南街土人謝氏建竹木深邃蔚有佳致王
右丞孫尚書南遷寓於此壁間舊有留題
同上

坐嘯堂郡守李攸所建

同上

附孫觀題象守坐嘯堂詩治國如烹鮮取民如牧羊薰狐
廬自焚投鼠器必傷曹侯百世師獄市寄全齊天下本無

事庸人勿擾之危機蹈潛弩惡吏冠城虎飛走豈不高搖
足墮網罟使君古太邱妙割無全牛班春千騎曉長嘯萬
壑秋棠陰日轉午風檐翠蛟舞問道舍蓋公誦詩逸何武
涓水占熊羆萬里咎羌夷試磨南山石更草中興碑 鴻
慶集

中德堂在州學 輿地紀勝

靜賞樓在北城上 同上

西峯樓在西城上即瑤光樓改名 同上

靈泉臺在陽壽縣舊經云下有靈泉九域志作龍泉臺 同上

長峯院在陽壽縣東元豐乙丑太守張唐輔遊焉賞其水亭

之勝有一派平分三澗綠之句名之為三溪閣院之勝閣據

其要蓋三溪直前若鼎足分布堂皇浩浩涵虛漱玉浮光氣

象州志 下 紀故 五

象千變萬狀愈見而愈不窮 同上

獻花鋪今不知所在孫尚書詩題注李衛公貶海外道經象

州蠻女獻花於此 舊志

附孫觀詩古路三叉口青裙兩髻了可無陶令菊空想衛
公花破屋堆黃葉清江繞白沙慙慙邀一醉蛋酒壓梨楂

退思軒在隔江二里許西山寺超然亭之右明秦璉建為訓

子肄業之所俯長江瞰平原豁人心目久已 舊志

休休亭在東岡嶺下距城四里許明總兵孟宗文建久已 舊志

象江亭在城西門外乾隆六年署知州張坊建 舊志

仁壽院在東山寺後宋郡守張唐輔有詩磨崖云象州東南

西北四禪刹最古而茲尤占佳勝公暇喜一尋訪元豐辛酉

仲夏二十二日因為詩刻於東山仁壽院之崖壁訪冊

附張唐輔詩象山秀拔倚清穹寶刹禪閣占四峯東北嶺頭千檜竹西南巖表萬杉松樓臺掩映高低起殿閣參差

上下重我愧不才叨假守公餘時喜一游從

寂照庵在東山北壁間有詩不佳亦不全訪冊

自然亭在東山北壁間有詩不佳亦不全訪冊

丹峒巖離城二十里在熱水村之後地甚佳勝人多游眺村

人疲於接應乃室之明萬歷己丑間復開之有復開丹峒禁

諭碑漫滅不可讀而中有禁不得率至村索取茶水等語尙

可識也未幾村人復窒其峒並斷其碑移置他處遂迷峒

訪冊

象州志 下 紀故 六

鳳凰巖在鳳凰村後去城東北十五里今平峒村之左巖自

上而下以梯入上層可容數十人下層約高二十尺濶深無

極游涉罕至內鋪清泥半畝有牛蹄印有人足跡見者前後

皆如新不審何由至此也訪冊

天蓋山離城三十里有潭焉知州吳鳳來嘗帶從役數十人

入山禱雨見潭水甚清一無鱗介俄頃有紅白魚數頭出沒

其間從者羅拜曰龍神至矣吳不信引弓射之一魚血淋漓

帶箭去衆惶懼不知所為吳大言曰果係龍神常現真相吾

始信耳言未畢四山昏黑作雲霧對面不見人潭水漏起數

丈龍頭仰浮水面其狀如牛雙角有鬚兩眼若漆而所射之

魚仍帶箭浮游於龍之左右若侍從然吳始信服再拜謝過
未幾大雨如注熙朝新語

趙指揮墓在北上里離城七十里香田村之西亦無碑記訪

甘王祖塋在州城東鳳凰山地方圍四尺許履之鏗然有聲
舊志

州南里許江之東岸名石龜坪有石內產石龜形同黃蜆即
石燕也以醋摩其頂則旋轉盤匝中用米畜之數月後尙能
游走舊志

五馬沿江走三星水面浮有人堊得著代代出公侯此謠不

象州志下紀故

七

知起於何時五馬即五馬山三星謂江上大浪洲黃昏洲牛
角洲也舊志

屯田墟在西鄉里大殿村北二里當道有大石一方圍丈餘
高可四尺上有注水池濶二尺深一尺終年不竭不溢趙墟
人賴以濟渴好事者屏之竭頃刻復盈如故

塘頭村之南其田中螺無蓋其田旁石有釜形相傳甘將軍
陸有仙術嘗率兵至此炊飯熟螺以食適敵至遂置釜於石
傾螺於田促兵往禦故其所產螺至今無蓋而置釜石至今
猶有印云舊志修

唐滎陽鄭播自象江得怪石六其三聳而銳上又一如世間

道士存思圖畫人肺胃肝腎次第懸絡者又一空中而隱外若癯瘦殃疝病不作物者又一色紺碧而理平漫亮之好聲璫爲象江三年不病瘴平安寢食及還長安無家居婦兒寄止人舍下計輦六石道費俸六十萬璫嗜好有意極類前輩

人

舊志此本志人小說又見楊升菴丹鉛總錄人事門

田明琦山東人康熙間任象州牧一日之柳郡舟次洪瀨灘有鳥飛鳴而過呼田知府三字儼如人語越月果升署柳州郡守遂立祠於洪瀨今尙存

舊志

甘陸象州古車村人有智畧時柳州爲南漢所據詔陸出征每以術得捷拜護國將軍及歸里決禍福處先知如神州人

象州志

下

紀故

八

立廟祀之

舊志

甘佃陸之姪也家富好施貧而告者未嘗少吝著靈異決禍福無不奇中一日聚隣里曰吾厭世矣示衆以修身事言訖瞑目而逝鄉人設廟像祀之後封惠濟感應侯元加封惠濟顯應聖公明加封王號

舊志

獨傲仙女象州馮六村人宋乾德間傲氏與嫂獨孤氏赴美蓋山採葛飲泉見雙鯉戲水取之墮泉中獨孤氏救之亦墮經月餘乃於空中呼父母曰吾仙女也有過謫人間數滿當還象人因名其山曰獨傲山

舊志

盧道者隱居陽壽之青金山六城八十里其山深虎常蹲伏

庵下每出入虎爲守庵

輿地紀勝

黎彥明有道行老而貧常以一鶴自隨王初寮贈以詩云世

緣今似秋雲薄隨身翩翩惟一鶴縞衣赴節舞松風好伴先

生卧林壑

輿地紀勝

龔老人一百單三歲王初寮贈以詩云兩龔千載人其裔亦

近道行年百有三幼婦已華皓誰謂五嶺南有此六朝老適

然瘴霧中知笑彭祖氏

輿地紀勝

民有五畜山多麀麋地連八桂密近湖湘稍接中州清淑

之氣地無桑柘民不事蠶作雖間有之不能纰絲第爲棉

象州志

下紀故

九

絮而已或未熟而紐縷之以爲麤紬婦女以緝麻織布爲業

多膏腴之田長腰玉粒爲南方之最旁郡亦多取給象

古名郡跨三邑之封當泮泗龍江之沿流封疆不啻千里嶺

西以南連屬桂林外接交邕控扼蕃洞往來要衝

象郡志

地居嶺表民富魚稻水泉甘潔不減中州

象郡志跋

其俗火耕水耨食魚稻信鬼神好淫祀又云俗以雞骨卜吉

凶舊經云人多騁獵家少秀民

宋朝郡縣志

有登俎之味產受采之花居嶺嶠之表接蠻貊之疆

新井

記

其地宜稻梁其貨多珠犀

瑤光堂記

按玉象之興地紀勝所採象郡志數語稱係丁世英序其書不存其跋亦未見又引皇朝郡縣志乃宋時郡縣志書亦不存引新井記稱係潘帥邊公瑀撰引瑤光堂記注何人所撰今皆無攷然皆古之志也故備錄其語於右

唐陳陶有送韋七使君赴象州詩云一鳴韋公子新恩領郡符
符島夷通荔浦龍節過蒼梧
地里金城近天涯玉樹孤聖朝
朱紱貴從此展雄圖

唐張文昌有送南客詩云行路兩脩脩青山盡海頭天涯人
老夫嶺北水空流夜市連銅柱巢居屬象州
來時舊相識誰向日邊游

宋戴栩有送胡季昭竄象郡詩云古郡荒涼象跡新
君行况是去裝貧此愁欲別柳邊雨
明日初程桂外人從古不多如

象州志 下 紀故

意事加餐宜惜未歸身春風未必天涯盡木榭花開瘴水深
象臺首末又有翁定胡炎諸人送詩見宋詩紀事

宋趙抃有寄謝象州守周源屯口云念公別後固依然蜀距
炎方里數千劍棧過來纔一月詩筒傳到已三篇胸藏忠義
堅於石口吐文章涌似泉何日解符還闕去如今朝野不遺

賢書志

宋孫覲有別象州陳守容德詩云三年客殊方榮樵不堪說
迢迢家萬里奄奄命一髮使君古丈夫興哀在縲紲平生風
馬牛舊職比鸚鵡欣然一笑粲破此百憂結皇恩下天扉淚
泣孤臣血行厨洗玉槃載酒助歡悅庖珍間五鯖餅字炊十

裂徙突今未黔班草爲一訣何須更秉燭端是夢中說 同上

宋孫觀又有到象州寓行衙太守陳德容攜酒見過詩云釘

座黃柑噴下香堆盤丹荔照人光莫辭蛋酒一樽亦會壓瘴

茅千里黃未省讒言遭惹苴直將空腹傲檳榔酒醒夢覺知

何處樹影參差月滿廊 同上

宋李綱有象州道中二首一云路入春山春日長穿林渡水

意倘伴溪環石笋橫舟小風落林花撲馬香山鳥不知興廢

恨嶺雲自覺去來忙炎荒景物隨時好何必深悲瘴癘鄉二

云竹屋茅簷三四家土風漸覺異中華碧榕枝弱還生柱紅

荔春深已著花社燕不巢南候別塞鴻無信北音賒海山此

象州志 下 紀故

去猶千里會見安期棗似瓜

宋王安中居象州詩云孔子生闕里不陋居九夷象郡雖云

遠土地各有宜疎梅香渡水瘦竹笋穿籬坐待百卉芳春風

兼四時惜哉此江山顧肯遊者誰 輿地紀勝

宋李邦彥有象州詩中四句云曉寒破暝清霜凜暮色籠煙

落月微風物未諳惟近禁暄涼無定只更衣 同上

宋郭祥正有送象州守賈正夫還臺詩云六載爲南郡歸時

雪滿顛一家纔度嶺單騎欲朝天 同上

宋高子美有象州謝表云顧茲象郡邈在狼荒繫民瘼之難

聞宜天心之曲軫又謝相府啟云眷此象臺邈在駱越雖雕

題交趾之俗滋變華風而含哺鼓腹之人雅貪醇政同上

明蔣山卿有過象州詩云秦皇開象郡茲事已千年臺古埋

秋草城荒起暮煙江天雲漠漠石嶺月娟娟萬里慚漂泊因

風懷昔賢舊志

按山卿字子雲儀真人正德進士由部郎謫外任改潯州府又改南寧府升廣西參政有南冷集此當是守潯州時過象也

明有佘立濮泉紀遊碑云立童時侍先大夫嘗聞真象臺呂

修飭翁景蒙約為濮泉之遊未果也頃余納吳節歸邂逅郡

理湯公洽為言其勝穆然神往者久之今年春奉命起□□

□□次於象遂借同年蕭質菴蔚往遊焉比至則郡守詹君

象州志下紀故三

洲已先為除地布席待矣臨流而觴班荆而語亦一時之勝

事也爰書此付趙千戶口允勒石以紀遊時萬歷乙未歲二

月十九日同子壻金君弼姪濬之子汲之江之冲之也碑泐

有缺字

宋史張繼能傳初賊攻象州城在高邱上素無井閉壘三日皆以乏水為慮賴天雨停水將竭而雨復下如是者兩月汲之以濟山中無烽堠每欲破賊即禱於城西神祠或見巨蟒吞龜是日累有克獲眾以為神人助順之應此宋真宗命曹利用破賊於象州捨盧成陶斬陳進時事

宋史孫繼鄴傳繼鄴為曹利用前驅破賊於象州大鳥嶺

宋太平興國間象州文廟芝草生產三莖五采俱備舊有靈

芝記 粵西叢載

宋景德四年象州民圃芥菜生蓮花 粵西叢載

宋大中祥符元年象州鳳凰見其羽飾五色羣鳥皆從之翔

象州志 下 紀故

三

集城東倚錢嶺忽飛去其地涌出泉味甘美土人呼為鳳凰

井 粵西叢載

宋淳熙元年象州旱饑 舊志

宋史五行志淳熙十一年邕賓象皆旱冬不雨至明年二月

宋史理宗紀詔知賓州呂震龍知象州奚必勝兵至聞風先

逃兵退乃反並毀出身文字竄遠郡

元史成宗紀大德五年象州融州旱

元大德九年旱 舊志

元泰定帝三年饑 舊志

元史泰定帝紀五年廣西靜江象州路饑並賑之

元文宗至順間象州雲錦橋北池中白蓮產雙頭是歲大稔
粵西叢載

元史惠宗紀六年五月象州盜起

元史惠宗紀十九年梧州象州皆大旱

元史惠宗紀二十一年明兵取全州柳州梧州藤州潯州貴
象鬱林等郡

元史史格傳劇賊蘇仲集潰卒據鎮龍山稱王劫掠於外耕
殖於內至秋獲畢聞大兵至則偽出降官軍畏暑不敢深入
橫象貴賓四州皆被其害

元史烏孫澤傳爲兩江道宣慰副使僉都元帥府日歲饑上

象州志 下 紀故

古

言發象州賀州官粟三千五百石以賑饑者

虞集廣西都元帥章公平徭碑記惠宗時公引大兵出柳州
謀報賊攻賓州公引兵如象州

明史五行志命韓觀爲廣西桂林衛都指揮僉事與世襲時
象州等處叛賊勢熾方熾觀率官軍擊之

明史土司傳洪武二十八年韓觀等擒向武士官黃世鐵招
降蠻民復業者六百四十八戶置象州武仙縣

明史成祖紀五年張輔令韓觀由柳州攻馬平來賓遷江上
林賓州羅城融縣皆破之會兵象州

明史土司傳永樂九年賓州遷江象州武仙縣古蓬等洞蠻

猴作亂

明史土司傅永樂十七年象州土吏覃仁用言其父景安故

元時前任象州巡檢有兵獐二百人今皆為民請收集為兵

帝不許

明天順七年秋七月地震次年大饑粵西叢載

明嘉靖二年夏六月大風雨官署城樓民舍多傾壞漂沒行

舟粵西叢載舊志作四年巳酉秋

明史張金陵傳吉水人正統間謫雷州塘驛丞象州屢為獐

獐侵擾起金陵署州事既至獨榜撫諭示以恩信遂解散民

始得安業

象州志 下 紀故

三

國朝

雍正八年產嘉禾一莖五穗舊志

乾隆五年春正月雨雪封條同上

乾隆五年夏六月象臺山象雲現同上

附郡人劉光烈象雲說郡西渡江二里許有山焉峭然特
立正對瑤光樓不象其形而象其名古傳每雨後日出山
腹白雲輒裊而成象經時不滅是說也予嘗疑之雲之變
態無常白衣忽改而蒼狗安在是山之雲獨有於象也歲
丙寅余讀書城之西南隅去樓不數武適仲夏八日日午
初斜清風不作予避暑其上條忽彤雲密布陽焰無光雲
鼓為之施威天公於焉舒笑滂沱蔽野林木滋垂已而天
開霽色波淨沙澄四山之煙光蕩漾瀑布飛空予方憑欄
騁目心曠神怡兩山腹中祥光隱躍瑞靄畢呈紛紛縵縵
乘扶日之姿蘊從龍之志其質白以潔其形高而麗不金
羈不錦礮若舞若拜儼然長鼻柱蹄自南遞北度階而上
者十數隊隊各分列成形不相牽雜求之他山既無有焉

隱雲之奇亦至此矣吾聞之趙雲如牛楚雲如犬周雲如
輪魏雲如鼠以至齊雲如絳衣秦雲如美人隨地而
名且以著矧茲擅山川淑氣而散紫垣之彩者其去不
萬萬哉考柳州雨晴添跡志美於錦章而後解刮日者惟
桑悅一人其餘莫能知概謂瘴雨蠻煙之地必無是觀
何此雲不幸不昭章於泰岱之巔見賞於當代名公巨卿
而麗質此邊陲也雖然是雲也觸石而起滄鬱於巖谷之
間掩映於林泉之外舒卷自如不泥成迹正無藉刻舟以
稱其輕重也郡有山山有雲雲類象山因名象郡亦名象
是有雲而山重而郡亦重矣然寧僅重一郡乎哉

乾隆十三年三月朔雨雹是年豐

同上

乾隆二十四年九月初五日地震是年大豐

同上

乾隆二十八年七月大樟村猺山起蛟發水知州陸謁吉祥
報巡撫馮鈐親勘發帑賑恤

同上

嘉慶二十五年庚辰冬絮雪盈尺

象州志 下 紀故

六

道光十一年辛卯冬絮雪亦盈尺

道光二十九年巳酉四月初四日風雷大作天變異常風行
空中有墨炭火作硫黃氣吹倒東門外一帶坊表拔大樹類
孤亭壓死茂才陳寶山童生李天賜重傷者數人

道光三十年庚戌七月十五日水路賊綽號大頭羊者自下
游來攻時有駐城之游擊宋某督守久之賊船乃退先是正
月有賊綽號山豬箭糯米四者由武仙之東鄉來劫象州之
各鄉而陳阿潰鄭廷威胡阿金等相繼焚掠民多流亡
咸豐元年辛亥金田會匪滋事各路官軍進剿撫軍周天爵
至象賊由中平墟進劫大樂墟龍門巡檢馮元吉死之

咸豐二年壬子蛋戶賊藍大眼擄入城劫掠學官並脅去州官後得包船之賊黨梁培有尾其舟轟礮奪回

咸豐三年癸丑來賓賊首曹彪武宣賊首李天芬等大掠州境靡有孑遺

咸豐四年甲寅招賊吳綽號長腰四者踞城西劫賊綽號東莞晚者來窺城下互鬥東莞晚敗走長腰四益橫城人爲所魚肉不敢言六月平南賊胡亞金張金養等破州城掠州人學官白杰死之知州盧承勳逸去城中殺死者數十人擄去者數百人

咸豐五年乙卯蓋嶺土賊覃老必掠羅秀墟等處平南縣劇

象州志 下 紀故

七

賊胡亞金復掠寺村墟等處河下之長腰四肆於城中而城人李文豹陸之增陸之培黃老合等効之捉人勒贖率黨行劫署知州孔慶榮令客民周勝等密圍之八月陳尸於市梟首示衆

咸豐六年丙辰招賊長腰四爲鄉團殺斃而劇賊李文茂由下游擁至改象州爲相州以其黨梁森爲知州事

咸豐八年戊午蔣臬司益澧克復柳州賊黨始退出象州署州羅炳南來至大樂病故六月以隨行員符信攝州事七月艇匪復來象州再失

咸豐九年己未南京賊黨石大開領賊回鄉以萬餘人由修

仁至大樂渡河西擾六社等村以萬餘人山永安翻山走廟
王城南擾和生等村又以數千人由中渡走鹿寨至運江東
擾麻塘等村至城會合艇匪

咸豐十一年辛酉正月代州牧王錦駐橫橋墟北極觀二月
艇匪大狗扒聚眾三千來攻鄉團護官入南鄉賊分踞墟場
及楊梅慈悲二村來攻大井村未破退攻西鄉冷屯村民死
甚眾七月劉統軍坤一下復潯州外匪由是肅清州牧招集
流亡在橫橋墟開考

同治二年癸亥署州牧曾行恭亦接任於橫橋墟始移行臺
入城

冢州志 下 紀故

六

同治三年甲子撫軍張委代提督蕭至象誘戮土匪陸金章
李啟忠李三和羅安邦黃嘉惠李芳槐等州境始靖而賊燄
猶盛

同治四年乙丑蕭代督復來土匪廖八等伏誅是年大旱
同治五年丙寅米貴每斛至四十餘文久之昂至六十餘文
皆居於象者所未經見也土匪未靖居民漸回

同治七年戊辰協鎮陳培桂督兵招安首民覃四隨營署知
州李世椿蒞任肅清賊黨羅思卯各匪民至是始復見天云

象州志跋

郡人鄭獻甫謹識

右紀地一秩凡五十八頁紀官一秩凡二十九頁紀人一秩凡三十六頁紀故一秩凡十八頁總括諸目均爲二卷體例頗改舊志紀載多據舊志不過前增考訂後增採訪耳書成郡侯監修自序其首而命獻甫纂修分跋其尾攻吾州郡志乘自前明萬歷間海澄李侯維岳始吾州郡書院自國朝乾隆初甘泉李侯宏濟始今者修復書院即於中修補志書皆南昌晴浦李侯權州篆時所爲也並舉二事俱屬一姓遙相應於數百年間亦奇矣舊志於前事僅據通志採取於時

象州志 下 跋

一

事或據俗傳攔入而古來志地諸書如元和郡縣志太平寰宇記輿地紀勝粵西叢載象臺首末等未經蒐採反多缺佚今悉按原書更定並詳中溜潭中古名二水源流及二字音韻以爲攷古者之助又侯乘離亂之後清理田糧改定里分以糧係田以田係里各繪圖於前而分紀數於後此尤催科撫字要務當官者盡心爲之秉筆者因悉心紀之其餘但有刪除而無演說以故卷帙不繁若云遠希韓氏之朝邑志康氏之武功志陸氏之靈壽志則不敢亦不必也

梓人桂林鴻文堂楊雲達

